

Headline	Kekal teraju kumpulan B		
MediaTitle	Sinar Harian (Utara)		
Date	10 Mar 2015	Language	Malay
Circulation	25,000	Readership	75,000
Section	NEWS	Color	Full Color
Page No	52	ArticleSize	316 cm ²
AdValue	RM 1,823	PR Value	RM 5,470



Kekal teraju kumpulan B

Berjaya raih tiga mata ke atas Negeri Sembilan Matrix



FOTO PIALA PRESIDEN KEDAH

Ketiadaan Akmal (kiri) yang dilayangkan kad kuning kedua pada awal separuh masa kedua tidak menjadi halangan buat Kedah untuk meraih tiga mata di laman sendiri.

ALOR SETAR - Kedah berjaya mempertahankan gol tunggal yang diperolehnya walaupun berhadapan Negeri Sembilan Matrix dengan sepuluh pemain pada perlawanan keempat Liga Piala Presiden 2015 di padang Universiti Utara Malaysia (UUM) Rabu lalu.

Gol tunggal Syazuan Hazani pada minit ke-77, penyerang muda yang berlatih selama sebulan di Cardiff City sebelum ini cukup untuk mengekalkan Kedah sebagai pendahulu kumpulan B dengan

memungut 10 mata.

Pengurus Piala Presiden Kedah, Anas Hafiz Mustaffa berkata, pemainnya gagal mendapat rentak sebenar pada separuh masa pertama namun mereka kembali bangkit pada separuh masa kedua.

Menurutnya, fokus skuad Lang Merah bawah 21 tahun ini sangat kurang dan mentaliti menghadapi pasukan lawan juga agak goyah sebelum wisel separuh masa pertama ditiup.

"Semasa di bilik persalin-

an, saya beri mereka kata-kata semangat yang pemain perlu kuatkan mental, jangan layan emosi dan fokus untuk menang di gelanggang sendiri.

"Pasukan yang berada di tangga bawah memang suka membuat kejutan dan sangat bersemangat bila menentang pasukan di tangga teratas kumpulan," katanya kepada *Sinar Harian*.

Anas Hafiz berkata, dua kad kuning yang dilayangkan kepada pertahanannya, Akmal Chin pada minit ke-60 tidak

melemahkan pasukan untuk mengimbangi serangan balas yang dilakukan oleh Negeri Sembilan Matrix.

INFO

Sinar Harian edisi Utara mengalu-alukan kepada semua pembaca di Perlis, Kedah dan Pulau Pinang untuk menyiarkan aktiviti sukan atau gambar aktiviti sukan di ruangan ini. Gambar serta keterangan ringkas boleh dihantarkan kepada shsukan@gmail.com - Editor